



Sarajevo, 17.02.2020. godine  
Broj: 06-06-2-283-2/20

**Predmet:** Poziv na edukaciju „10 poruka o radu sa zaposlenima“

Poštovani/a,

Vanjskotrgovinska komora Bosne i Hercegovine i Adizes South East Europe (ASEE) Vas pozivaju na edukaciju

### **„10 poruka o radu sa zaposlenima“**

koja će se održati **24.02.2020. godine (od 13:00 do 14:30) u prostorijama Vanjskotrgovinske komore Bosne i Hercegovine**, ulica Branislava Đurđeva 10, Sarajevo.

Menadžer je onaj koji ostvaruje ciljeve organizacije, tako što upravlja drugim ljudima koji su u njoj zaposleni. Koliko će menadžer da bude uspješan direktno zavisi od nivoa saradnje koju uspostavi sa zaposlenima, kao i odnosa međusobnog povjerenja i uvažavanja. Iako nam se čini da zaposleni zavise od menadžera, zapravo mnogo više on zavisi od njih. Zato su vještine u radu sa zaposlenima ključne kako bi se uspostavila zdrava i pozitivna atmosfera u organizaciji. U njoj se zaposleni osjećaju dobro i motivisani su, usklađeni su interesi organizacije i pojedinaca, a talentovani ljudi imaju mogućnost da unaprijede svoje potencijale i da se izgrade u odlične profesionalce i snažne lidere. Na ovom skupu ćemo govoriti o izazovima u radu sa zaposlenima i pokušaćemo da izvedemo zaključke koje će svakom od menadžera biti korisni u konkretnim poslovnim situacijama.

#### **Cilj edukacije**

Cilj edukacije je da od vodećih eksperata čujemo o izazovima i dobrim praksama u regionu, da prodiskutujemo o njima, kao i da ih primjenimo u našem okruženju.

#### **Ciljna skupina**

Menadžeri, direktori, HR menadžeri.

#### **Ko je predavač?**

IRENA BULAT – direktorica Adizes SEE Leadership Programa i regionalna direktorica ASEE. Tokom profesionalne karijere Irena je radila na menadžerskim pozicijama u državnom i privatnom sektoru. Razumijevajući potrebe i želje kompanija u kojima i sa kojima je radila, vodila je projekte unaprjeđenja interne komunikacije i motivacije. Uvijek se vodila idejom da direktan stav i misao mogu da se izreknu sa osmijehom i kada nisu prijatni, te da takav vid komunikacije doprinosi razvoju svih učesnika. Članica Upravnog odbora Centra za interaktivnu pedagogiju, aktivna u radu sa mladima. Od 2013. posebno uživa u radu sa uspješnim menadžerima iz regiona na zajedničkom putovanju kroz Leadership Program.



### Osnovne teme

- UPOZNAJ SEBE – Sokrat – biti svjestan svojih motiva kada donosimo odluke i djelujemo
- Upravljanje putem OČEKIVANJA – način da se sagori, vjerovatnoća uspjeha je mala, a cijena velika
- Postavljati sebi VISOKE CILJEVE – dovoljno rano planirati i dovoljno često se peti na balkon
- INTERESI lični i organizacioni su različiti, a kada rukovodim dodatno komplikujem interesima podređenih
- SAMOPOUZDANJE se gradi radom i pripremom, ako nisi spreman za rad nećeš ni uspjeti, šuplje samopouzdanje će se dugoročno „provaliti“
- Biti PROFESIONALNO ČVRST se dugoročno isplati
- OSJEĆAJ ZA ORGANIZACIJU kao kompetencija je ono što je potrebno za top menadžment karijere – za to nije dovoljno rezultat, potrebna je zdrava doza politike
- Posao je izgrađivati ljude a ne „bacati ih u vatru“
- Otpuštati je posao, oni su vaš PR
- Paradoks menadžmenta – učiniti sebe zamjenjivim

### Prijava i više informacija

Učešće na edukaciji je **besplatno** za sve učesnike koji popune online prijavni obrazac, najkasnije do 21.02.2020. godine do 14:00 sati.

Kontakt telefon za sve dodatne informacije u vezi sa edukacijom: 033/566-204 (Sektor za edukaciju VTK BiH). Više o Adizes Institutu pogledajte na [www.adizes.com](http://www.adizes.com) i [www.asee.biz](http://www.asee.biz)

U nadi da ćete se odazvati našem pozivu, srdačno Vas pozdravljam i ostajem

S poštovanjem,



*Elma Kovačević-Bajtal*  
dr.sc. Elma Kovačević-Bajtal  
Vanjskotrgovinska komora BiH  
Sektor za edukaciju  
Direktorica